



Број: 07-14-1-2623-2/15
Сарајево, 28. октобар 2015. године

ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

- ПРЕДСТАВНИЧКИ ДОМ
- ДОМ НАРОДА

| | | | |
|---|------------------------|-------|----------------|
| BOSNA I HERCEGOVINA | | | |
| PARLAMENTARNA SKUPSTINA BOSNE I HERCEGOVINE | | | |
| SARAJEVO | | | |
| PRIMLJENO: | 28.10.2015 | | |
| Organizaciona jedinica: | Klasifikaciona oznaka: | Broj: | Broj p. lista: |
| 01,02- | 05-2- | 1385 | 15 |

B

Предмет. Сагласност за ратификацију уговора, тражи се

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00 и 32/13), достављамо вам ради давања сагласности за ратификацију:

Уговор о државној граници између Босне и Херцеговине и Црне Горе.
Уговор је потписао г. Игор Црнадак, министар иностраних послова БиХ, 26. августа 2015. године у Бечу.

Будући да је Министарство цивилних послова БиХ надлежно за провођење поступка за закључивање овог уговора, молимо вас да на састанке ваших комисија, односно сједнице Дома, поред представника Предсједништва БиХ, као предлагача, позовете и представника Министарства који посланицима, односно делегатима може дати све потребне информације о уговору.

С поштовањем,

ГЕНЕРАЛНИ СЕКРЕТАР
Борис Буха



Službeni za sjednicu
27.10.2015. E. Crnadak

MFA-BA-MPP
Broj: 08/1-32-05-2-27928/15
Datum: 13.10.2015.godine

PREDSJEDNIŠTVO
BOSNE I HERCEGOVINE
SARAJEVO

| | | | |
|--------------------------------------|------------------------|------------|--------------|
| PRIMLJENO.....27.10.2015.....20..... | | | |
| Organizaciona jedinica | Klasifikacijski oznaka | Redni broj | Broj priloga |
| 14 | 14-1 | 2623-1 | |

PREDSJEDNIŠTVO BOSNE I HERCEGOVINE
SARAJEVO

Predmet: Prijedlog Odluke o ratifikaciji Ugovora o državnoj granici između Bosne i Hercegovine i Crne Gore, d o s t a v l j a s e

U prilogu akta dostavljamo prijedlog odluke o ratifikaciji Ugovora o državnoj granici između Bosne i Hercegovine i Crne Gore potpisan 26.08.2015.godine u Beču na bosanskom, srpskom, hrvatskom i crnogorskom jeziku.

Vijeće ministara Bosne i Hercegovine je na svojoj 26. sjednici, održanoj 06.10.2015. godine utvrdilo prijedlog odluke o ratifikaciji predmetnog Ugovora, čiji zaključak dostavljamo u prilogu akta.

Molimo Predsjedništvo Bosne i Hercegovine da donese odluku o ratifikaciji Ugovora o državnoj granici između Bosne i Hercegovine i Crne Gore.

S poštovanjem,



MINISTAR

Igor Crnadak

UGOVOR
O DRŽAVNOJ GRANICI
IZMEĐU
BOSNE I HERCEGOVINE I CRNE GORE

Bosna i Hercegovina i Crna Gora (u daljem tekstu: ugovorne strane),

POLAZEĆI od želje da razvijaju i unapređuju prijateljske i dobrosusjedske odnose,

IMAJUĆI u vidu uzajamno opredjeljenje da daju svoj doprinos unapređivanju sigurnosti, stabilnosti i saradnji u regionu i šire,

RUKOVOĐENE željom da savjesno ispunjavaju obaveze koje su preuzele u saglasnosti sa Poveljom Ujedinjenih nacija, naročito imajući u vidu poštovanje principa suvereniteta, teritorijalnog integriteta, političke nezavisnosti i rješavanja sporova mirnim putem bez prijetnji ili upotrebe sile,

ODLUČNE da se utvrdi protezanje državne granice,

DOGOVORILE su se o sljedećem:

Član 1.

Državna granica između Bosne i Hercegovine i Crne Gore (u daljem tekstu: državna granica) je zamišljena ravan koja vertikalno siječe površinu Zemlje graničnom linijom i odvaja teritorije, vazdušni prostor i prostor ispod površine zemlje.

Član 2.

Državna granica proteže se od tromede Bosne i Hercegovine, Crne Gore i Republike Srbije na sjevernom dijelu, do tromede Bosne i Hercegovine, Crne Gore i Republike Hrvatske na južnom dijelu. Podaci o protezanju državne granice sadržani su u sljedećim graničnim dokumentima, koji su sastavni dio ovog ugovora:

- tekstualni opis protezanja granice (prilog broj 1);
- topografska karta razmjere 1:25000 sa ucrtanom graničnom linijom (prilog broj 2).

U slučaju razmimoilaženja tekstualnog opisa državne granice i topografske karte biće mjerodavan grafički prikaz državne granice.

Član 3.

Ugovorne strane su saglasne da položaj državne granice, utvrđen na dan potpisivanja ovog ugovora, ostaje nepromijenjen bez obzira na promjene koje mogu nastati na vodotocima na terenu, usljed prirodnih ili vještačkih razloga.

Svaka vještačka promjena državne granice isključivo podliježe prethodnom dogovoru ugovornih strana, a u skladu s međunarodnim pravom.

Član 4.

Državna granica na terenu biće obilježena graničnim oznakama u skladu sa Uputstvom za obilježavanje državne granice i tehničkim uputstvima za izradu dokumentacije o državnoj granici.

Član 5.

S ciljem efikasnijeg obilježavanja i održavanja graničnih oznaka državna granica između Bosne i Hercegovine i Crne Gore dijeli se na dva granična sektora A i B:

- Sektor A počinje od tromede Bosne i Hercegovine, Crne Gore i Republike Srbije, odnosno tačke 1(01), do tačke 2(09), odnosno tačke 1(10);
- Sektor B počinje od tačke 2(09), odnosno tačke 1(10), i završava na tromedi Bosne i Hercegovine, Crne Gore i Republike Hrvatske, odnosno tački 5(19);

kako je utvrđeno dokumentom, koji čini prilog broj 2 ovog ugovora.

Ugovorne strane obavezuju se da će čuvati sve granične oznake bez obzira na granični sektor i da će preduzeti sve neophodne mjere da spriječe svako oštećenje ili premještanje.

Ugovorne strane obavezuju se da će održavati i obnavljati sve granične oznake kojima je određena državna granica između Bosne i Hercegovine i Crne Gore i da će snositi sve troškove koji proističu iz ovih obaveza, na sljedeći način: Crna Gora u sektoru A, a Bosna i Hercegovina u sektoru B.

Član 6.

Ugovorne strane staraju se o obezbjeđenju vidljivosti državne granice i graničnih oznaka u skladu sa Uputstvom za održavanje granične linije i pojasa uz granicu.

Ugovorne strane neće jednostrano dozvoliti bilo kakvu gradnju u širini najmanje od deset metara, s obje strane granične linije. Ova zabrana se ne odnosi na postojeće objekte.

Ugovorne strane mogu na svom području u svako doba obavljati radove predviđene uputstvom iz stava 1. ovog člana, ali o tome moraju obavijestiti drugu ugovornu stranu najmanje deset dana prije početka radova.

Član 7.

Državne komisije ugovornih strana formirat će Zajedničko radno tijelo, u čijoj će nadležnosti biti da, na osnovu dokumenata navedenih u članu 2. ovog ugovora, izvrši obilježavanje ovim ugovorom utvrđene državne granice na terenu i da sačini dokumentaciju o zajedničkoj državnoj granici u kojoj će biti opisan način njenog obilježavanja i određen položaj graničnih oznaka.

Rok za obilježavanje državne granice na terenu je do tri godine od stupanja na snagu ovog ugovora.

Zajedničko radno tijelo će raditi u skladu sa uputstvom iz člana 4. ovog ugovora, koje donose državne komisije ugovornih strana.

Dokumentacija o državnoj granici biće izrađena u dva originalna primjerka, po jedan za svaku od ugovornih strana.

Zajedničko radno tijelo, prilikom obilježavanja državne granice na terenu, u dijelovima gdje je opis izrađen na osnovu usaglašene katastarske dokumentacije, držat će se podataka sadržanih u katastarskim planovima.

Polazeći od mjesnih, geografskih, ortografskih i ekonomskih uvjeta, u cjelini, Zajedničko radno tijelo imat će mogućnost da, uz uzajamnu saglasnost, napravi nužne i izbalansirane korekcije koje odstupaju od grafičkog prikaza državne granice u dubini do 150 m i to kada je svrsishodno da granična linija ne presijeca prirodne vodotoke, kuće, imanja i da ide jednim od rubova komunikacija.

Član 8.

Ugovorne strane se staraju o zaštiti životne sredine i prirode u graničnom području, u skladu s međunarodnim normama i nacionalnim zakonodavstvom.

Član 9.

Eventualne sporove prilikom tumačenja i primjene ovog ugovora rješavat će nadležna tijela ugovornih strana diplomatskim putem.

Član 10.

Ovaj ugovor se zaključuje na neodređeno vrijeme.

Član 11.

Ugovorne strane mogu se saglasiti o izmjenama Ugovorom utvrđene državne granice, koje će biti regulirane aneksima koji postaju sastavni dio ovog ugovora.

Izmjene i dopune ovog ugovora vrše se po istoj proceduri predviđenoj za njegovo zaključivanje.

Član 12.

Ovaj ugovor podliježe potvrđivanju, odnosno ratifikaciji, i stupa na snagu na dan prijema posljednjeg pisanog obavještenja upućenog diplomatskim putem kojim ugovorne strane obavještavaju jedna drugu o izvršenom potvrđivanju, odnosno ratifikaciji.

Zaključen u Beču, dana 26. avgusta 2015. godine, u dva originalna primjerka, svaki na službenim jezicima, u Bosni i Hercegovini na bosanskom, hrvatskom i srpskom jeziku i u Crnoj Gori na crnogorskom jeziku, pri čemu su svi tekstovi jednako vjerodostojni.

Za Bosnu i Hercegovinu

Igor Crnadak

Za Crnu Goru

mr. Raško Konjević

**TEKSTUALNI OPIS PROTEZANJA DRŽAVNE GRANICE
IZMEĐU BOSNE I HERCEGOVINE I CRNE GORE
NA TOPOGRAFSKOJ KARTI RAZMJERE 1:25000 (TK)
OD BROJA TK 01 DO BROJA TK 19**

OPIS GRANIČNE LINIJE

Granična linija između Bosne i Hercegovine i Crne Gore je vektorizirana čime su definirani svi pravci i krive linije između prelomnih tačaka opisanih u tekstualnom opisu.

TK 01

Granična linija počinje od tromeđe između Bosne i Hercegovine, Crne Gore i Republike Srbije, koja se nalazi na zvanom mjestu Zelena glava tačka 1(01), na sredini puta i obilježena je sa tri kamena (preuzeto iz zapisnika omeđavanja između KO Sočica, KO Zaborak i KO Poblacé od 20. avgusta 1953. godine i 26. avgusta 1953. godine). Granična linija se od tromeđe proteže u pravcu sjeverozapada u dužini od 1280 m, do zvanog mjesta Babino brdo, ttk 1154. Granična linija dalje ide u pravcu zapada, u dužini od 1040 m do ttk 1143, nastavlja u pravcu zapada u dužini od 825 m do ttk 1220 (Kikelj). Granična linija dalje nastavlja šumskim putem u pravcu zapada u dužini od 340 m preko izvora Dobra voda do tačke 2(01). Granična linija nastavlja u pravcu jugozapada u dužini od 140 m do tačke 3(01), dalje ide na sjeverozapad do presjeka sa šumskim putem u dužini od 200 m do tačke 4(01). Granična linija dalje ide u pravcu zapada u dužini od 410 m do vrtače sjeverno od puta do tačke 5(01) i nastavlja na zapad putem u dužini od 500 m ostavljajući put u Crnoj Gori do spajanja sa stazom koja dolazi iz pravca jugoistoka do tačke 6(01), nastavlja putem u dužini od 1220 m ostavljajući put u Crnoj Gori do tačke 7(01) i dalje nastavlja putem jugozapadno u dužini od 1380 m do raskršća puteva na mjestu zvanom Metaljka izlazeći na regionalni put Pljevlja-Čajniče do tačke 8(01), nastavlja jugozapadno u dužini 400 m do tačke 9(01) zatim ide jugoistočno u dužini od 90 m do tačke 10(01), naglo se lomi u pravcu zapada u dužini od 410 m do tačke 11(01). Dalje granična linija ide pravcem jugozapada u dužini od 435 m do tačke 12(01), dalje nastavlja granicom čistine Svetloborje u pravcu juga a u dužini od 305 m do šumskog puta do tačke 13(01), nastavlja istim prema Kovač planini u pravcu zapada u dužini od 550 m do tačke 14(01) gdje se završava opis na TK 01.

TK 02

Granična linija nastavlja od tačke definirane na TK 01 u pravcu zapada do tačke 1(02), šumskom stazom u dužini od 290 m do tačke 2(02) do raskršća i nastavlja sjevernim krakom u dužini od 550 m do kote 1392, nastavlja u pravcu zapada do ttk 1423 Vragolija u dužini od 680 m. Granična linija se u ovoj tački lomi u pravcu juga u dužini od 450 m do tačke 3(02) gdje se lomi u pravcu jugozapada do presjeka sa stazom i potokom Kukavička rijeka u dužini od 760 m do tačke 4(02). Granična linija dalje nastavlja u pravcu zapada u dužini od 380 m do tačke 5(02) gdje se oštro lomi prema sjeveroistoku u dužini od 70 m do tačke 6(02). U ovoj tački granična linija se lomi u pravcu sjevera u dužini od 220 m do tačke 7(02) odakle se granična linija proteže pravcem sjeverozapada u dužini od 440 m do tačke 8(02). U ovoj tački granična linija se lomi u pravcu jugozapada i proteže se u dužini od 1140 m do tačke 9(02), prelazeći preko prevoja Oštra glava, lomi se u pravcu zapada u dužini od 400 m do tačke 10(02). Od ove tačke granična linija se proteže pravcem zapad u dužini od 360 m do tačke 11(02), dalje nastavlja pravcem zapad-jugozapad u dužini od 170 m do tačke 12(02), dalje ide pravcem jugozapad do tačke 13(02) u dužini od 150 m. Dalje granična linija ide u pravcu juga u dužini od 510 m do tačke 14(02), lomi se u pravcu jugozapada do tačke 15(02), prolazi sjeverno od kote 1171 u dužini od 580 m, dalje ide u

pravcu zapada u dužini od 710 m do tačke 16(02). Od tačke 16(02) granična linija ide u pravcu sjeverozapada do tačke 17(02) u dužini od 170 m koja se nalazi u potoku, dalje nastavlja potokom do ušća u Crni potok u tački 18(02) u dužini od 320 m. Dalje granična linija ide u pravcu sjevera Crnim potokom u dužini od 2620 m do tačke 19(02). Granična linija dalje ide u pravcu sjeverozapada do ttk 1329 (Debelo brdo) u dužini od 1015 m i dalje nastavlja do ttk 1182 u dužini od 1170 m, lomi se blago prema sjeverozapadu i grebenom se spušta na kotu 854 u dužini od 1480 m. U ovoj tački granična linija se oštro lomi u pravcu jugozapada i ide potokom Bavčica do tačke 20(02) u dužini od 500 m. Granična linija se lomi u pravcu zapada izlomljeno u dužini od 315 m do tačke 21(02), lomi se u pravcu juga i do tačke 22(02) u dužini od 250 m proteže se tim pravcem. Od ove tačke granična linija se lomi u pravcu sjeverozapada u dužini od 250 m do tačke 23(02). Granična linija dalje ide u pravcu sjevera do ttk 1129 u dužini od 550 m. Dalje granična linija ide grebenom do ttk 1308 (Cmi vrh) u dužini od 1120 m. Od Cmog vrha granična linija ide u pravcu sjeverozapada u dužini od 415 m do tačke 24(02), blago se lomi i nastavlja u pravcu zapada u dužini od 430 m do tačke 25(02), lomi se u pravcu jugozapada u dužini od 90 m do tačke 26(02) koja odgovara tački 1(03).

TK 03

Od tačke 1(03) granična linija ide na ttk 1208 (Gradiña) u dužini od 660 m. Granična linija se lomi u pravcu juga do tačke 2(03) u dužini od 420 m, blago se lomi u pravcu jugozapada do tačke 3(03) stazom u dužini od 1000 m. Dalje granična linija ide na jug grebenom do kote 1164 (Ljutača). Od kote Ljutača granična linija se proteže u pravcu jugoistoka u dužini od 200 m nakon čega se blago lomi u smjeru juga i produžava u smjeru juga u dužini od 200 m do tačke koja se nalazi 280 m sjeverozapadno od ttk 1212 gdje se lomi u smjeru zapada do presjeka sa stazom u dužini od 260 m, nakon čega se lomi u smjeru juga, produžava 90 m, lomi se u pravcu jugoistoka i produžava u dužini od 130 m do tačke koja se nalazi 380 m zapadno od ttk 1212, do tačke 4(03). Ovdje se granična linija lomi u pravcu juga i proteže se krivudavo do tačke 5(03) u dužini od 250 m. Dalje granična linija produžava u pravcu jugozapada u dužini od 450 m do tačke koja se nalazi 340 m sjeveroistočno od ttk 1159, nastavlja krivudavo u pravcu zapada u dužini od 420 m do tačke koja se nalazi 580 m istočno od kote 1141, oštro se lomi u pravcu juga i nastavlja krivudavo u dužini od 510 m do tačke 6(03) koja se nalazi 190 m jugozapadno od ttk 1159. Od tačke 6(03) granična linija ide u pravcu ttk 1228 (Bojište) u dužini od 1200 m, nastavlja pravcem jugozapada do izvora Ograđena voda, tačka 7(03), što je trmeđa općina Čajniče, Foča i Pljevlja. Od Ograđene vode granična linija se proteže u pravcu jugozapada potokom u dužini od 550 m do mjesta koje predstavlja račvanje dva potoka. Dalje se granična linija penje kosom u dužini od 680 m do trigonometra broj 19 ttk 1372, tačka 8N(03), (Okladnik-Meterize), nastavlja u pravcu zapada do trigonometra broj 18 ttk 1234 odnosno tačke 9N(03) u dužini od 900 m, nastavlja u pravcu jugozapada do tačke 9A(03) koja se nalazi u potoku u dužini od 840 m, nastavlja neimenovanim potokom do tačke 9B(03) u dužini od 570 m koja predstavlja ušće 2 potoka, nastavlja potokom do tačke 9C(03) u dužini od 170 m, dalje nastavlja granicom premjera u pravcu jugozapada do tačke 11(03) u dužini od 1380 m koja predstavlja i tačku 1(04).

TK 04

Granična linija od tačke 1(04) ide u pravcu jugoistoka do tačke 2(04) u dužini od 1110 m, do staze kroz Zabavlje, nastavlja stazom kroz Zabavlje do tačke 3(04) u dužini od 700 m

gdje napušta stazu i nastavlja u pravcu sjeveroistoka do tačke 4(04) i naglo se lomi u pravcu sjevera do tačke 5(04) u dužini od 750 m koja ujedno predstavlja i tačku 12(03).

TK 03

Od tačke 12(03) granična linija nastavlja u pravcu sjevera do ttk 1264 (Zabavlje) u dužini od 230 m gdje se lomi u pravcu istoka, pruža se pravcem istoka u dužini od 1110 m do tačke koja se nalazi 190 m južno od ttk 1300,5 u rejonu Debelog brda. U ovoj tački granična linija se naglo lomi u pravcu juga u dužini od 360 m do tačke 13(03) koja ujedno predstavlja i tačku 6(04).

TK 04

Od tačke 6(04) granična linija ide u pravcu juga u dužini od 740 m do tačke 7(04) koja se nalazi 360 m jugozapadno od ttk 1088. Od tačke 7(04) granična linija se proteže krivudavo u pravcu juga do izvora Pećina u dužini od 1200 m. Granična linija od izvora Pećina ide sredinom rijeke Šupljice, ostavljajući izvor Pećina u Crnoj Gori, a drugi neimenovani izvor u Bosni i Hercegovini, do ušća u rijeku Čehotinu, tačka 8(04), kota 502, koja se nalazi na ušću rijeke Šupljice u rijeku Čehotinu, u dužini od 5900 m. Dalje se granična linija proteže uzvodno sredinom rijeke Čehotine do tačke 9(04) koja ujedno predstavlja i tačku 1(05) u dužini od 5000 m.

TK 05

Od tačke 1(05) granična linija nastavlja rijekom Čehotinom do ušća rijeke Škopotnice u rijeku Čehotinu, tačka 2(05) u dužini od 5200 m. Dalje se granična linija proteže uzvodno rijekom Škopotnicom do tačke 3(05) koja se nalazi na 460 m jugoistočno od ttk 844 u dužini od 3300 m. Granična linija se lomi u smjeru jugoistoka, prolazi pored naselja Kruševo ostavljajući ga u Crnoj Gori, dolazi do raskrsnice lokalnih puteva u naselju Vitine i produžava dalje lokalnim putem do tačke 4(05) koja se nalazi 590 m jugoistočno od ttk 1140 u dužini od 2400 m, lomi se prema jugu, blago se penje preko predjela Palež do tačke 5(05) koja se nalazi 370 m jugoistočno od ttk 1328 u dužini od 1100 m, nakon čega se lomi prema jugoistoku do tačke 6(05) koja se nalazi 650 m jugoistočno od ttk 1328 u dužini od 300 m, gdje se granična linija lomi u pravcu juga do tačke 7(05) koja se nalazi 690 m sjeveroistočno od ttk 1503 u dužini od 600 m. Granična linija se lomi u pravcu jugozapada, prelazi preko ttk 1497 (Šuplja Stijena), produžava do tačke 8(05) koja se nalazi 180 m jugozapadno od ttk 1503 u dužini od 500 m, nakon čega se lomi u pravcu jugoistoka protežući se uvalom Orlujak, prolazi tačku 9(05) koja ujedno odgovara i tački 1(06) u dužini od 250 m.

TK 06

Od tačke 1(06) granična linija se proteže uvalom Orlujak u pravcu juga do tačke 2(06) koja se nalazi pored kote 1508 koja ostaje u Crnoj Gori u dužini od 1100 m. Potom se granična linija lomi u pravcu jugoistoka, proteže se grebenom, penjući se do ttk 1665 (Javorje) a zatim se grebenom spušta do sjecišta staza na potesu (Predo), nakon čega se penje na ttk 1869 (Kobilja Glava) u dužini od 1500 m, lomi se u smjeru juga grebenom do ttk 1893 (Goli Vjetrenik) u dužini od 800 m. Granična linija se lomi u smjeru jugoistoka i produžava pravcem do ttk 1904 (Vojinovac) u dužini od 1000 m, blago se lomi u pravcu

juga i produžava do neimenovanog vrha tačka 3(06) koji se nalazi 1100 m od kote 1819 u dužini od 600 m, nakon čega se lomi u pravcu juga i produžava do ttk 2073 (Mala Ljubišnja) u dužini od 900 m. Od ttk 2073 granična linija se proteže u pravcu jugoistoka do ttk 2190 (Dernjačišta) u dužini od 1200 m, dalje se lomi u pravcu jugozapada i prolazi pored neimenovanog izvora, ostavljajući ga u Bosni i Hercegovini, ulazi u Crni potok i produžava dalje Crnim potokom do tačke 4(06) koja se nalazi 30 m sjeverozapadno od kote 1503 u dužini od 2300 m. Granična linija lomi se oštro u pravcu jugozapada, prelazi preko potesa Butorovača i nastavlja dalje do kote 1634 prolazi pored te kote nakon čega se spušta do naselja Lukovići ostavljajući ga u Crnoj Gori, nastavlja padinom do tačke 5(06) koja se nalazi 40 m jugoistočno od izvora Hranisavac u dužini od 3700 m. Od ove tačke granična linija produžava u pravcu juga rubom seoskog puta, ostavljajući ga u Bosni i Hercegovini do raskršća seoskih puteva koje se nalazi 600 m zapadno od kote 1455 te nastavlja dalje preko potesa Runjave glavice do ttk 1674 (Demirov Vrh) u dužini od 2200 m. Od ove tačke granična linija produžava u pravcu juga prolazeći između naselja Mladenovići u Bosni i Hercegovini i Bailovići u Crnoj Gori, produžava krivudavo do tačke 6(06) koja se nalazi na rubu kanjona rijeke Tare 340 m sjeverozapadno od ttk 1551, u dužini od 1800 m. Granična linija produžava u pravcu jugozapada niz greben kanjona rijeke Tare do tačke 7(06) koja se nalazi u rijeci Tari udaljena 100 m jugoistočno od kote 519 u dužini od 1300 m. Dalje granična linija se proteže sredinom rijeke Tare do tačke 8(06) koja odgovara tački 1(07) u dužini od 1400 m.

TK 07

Od tačke 1(07) granična linija se proteže sredinom rijeke Tare do tačke 2(07) koja odgovara tački 1(08) u dužini od 21000 m.

TK 08

Od tačke 1(08) granična linija se proteže sredinom rijeke Tare do spajanja rijeke Tare i rijeke Pive odakle počinje rijeka Drina, tačka 2(08), udaljena 150 m sjeverozapadno od ttk 477 u dužini od 2600 m. Dalje granična linija nastavlja uzvodno sredinom rijeke Pive u koritu rijeke Pive do tačke 3(08) koja se nalazi 560 m sjeverno od kote 482 u dužini od 3100 m. Odatle granična linija se penje uz kanjon rijeke Pive do njegovog vrha na predjelu Dubovac gdje pored vrtače blago skreće u smjeru jugozapada do tačke 4(08) koja se nalazi 560 m jugoistočno od kote 1460 u dužini od 2300 m. Od te tačke granična linija produžava pravcem u smjeru zapada do tačke 5(08) u dužini od 800 m odakle se blago lomi u pravcu jugozapada, produžava do tačke 6(08) koja se nalazi 470 m jugoistočno od ttk 1629 (Javorje) gdje se blago lomi i produžava do ttk 1805 u dužini od 3600 m. Granična linija produžava pravcem penjući se uz planinu Maglić do tačke 7(08) koja predstavlja i tačku 1(09) u dužini od 4000 m.

TK 09

Od tačke 1(09) granična linija nastavlja do ttk 2386 (Maglić) nakon čega se spušta niz planinu Maglić do ttk 1855 (Bukova Glava) i produžava dalje pravcem penjući se do ttk 2296 (Veliki Oštrikovac), u dužini od 6000 m. Ovdje se granična linija lomi u smjeru jugoistoka, spušta do izvora Studenac ostavljajući ga u Crnoj Gori, nakon čega se penje do ttk 2283, nastavlja u dužini od 50 m do tačke 2(09) koja predstavlja i tačku 1(10).

TK 10

Od tačke 1(10) granična linija nastavlja grebenom Rudinski kom preko Kozijeg pogleda do neimenovane vrtače, tačka 2(10), u dužini od 1750 m gdje se lomi u smjeru istoka u dužini od 120 m do tačke 3(10), u tački 3(10) ponovo skreće u smjeru jugoistoka i nastavlja grebenom do ttk 2336 (Volujak), u dužini od 1000 m. U ovoj tački granična linija naglo mijenja smjer u pravcu jugozapada, spušta se na zaravan (Vlasulja) nakon čega se ponovo spušta do tačke 4(10) koja se nalazi 720 m sjeveroistočno od kote 1528 (Majdan) u dužini od 2700 m. Ovdje se granična linija lomi u pravcu juga i produžava u pravcu do ttk 1817 (Kuk) u dužini od 1300 m, blago se lomi u pravcu jugozapada do tačke 5(10) koja se nalazi 330 m sjeverozapadno od ttk 1838 (Košara) u dužini od 1400 m. Dalje se granična linija lomi u smjeru juga i produžava pravcem preko planine Lebršnik, prolazeći 20 m istočno od kote 1652, 170 m zapadno od ttk 1500 (Turska glavica), spušta se do Milatića potoka presijeca isti i penje se uvalom do sela Šljivovica, prolazi kroz selo i produžava dalje u pravcu prolazeći 100 m zapadno od ttk 1442 do potesa Prisoje i dalje nastavlja pravcem prolazeći 100 m istočno od ttk 1511 (Orljača) do ttk 1517 (Kovijoc) u dužini od 6500 m. Od ttk 1517 granična linija ide u pravcu juga do tačke 6(10) u dužini od 2410 m koja odgovara i tački 1(11).

TK 11

Od tačke 1(11) granična linija ide u pravcu juga u dužini od 560 m do tačke 2(11) u kojoj se naglo lomi u pravcu jugozapada dužinom od 90 m do ttk 1632, nastavlja u pravcu juga pored ttk 1642 koji se nalazi 70 m zapadno od granične linije do tačke 3(11) u dužini od 520 m, i lomi se u pravcu jugoistoka do ttk 1647 (Kosovi vrh) u dužini od 90 m. Granična linija se ponovo lomi u pravcu jugozapada do tačke 4(11) u dužini od 210 m, zatim granična linija skreće prema jugoistoku do tačke 5(11) u dužini od 270 m, nastavlja u pravcu juga do tačke 6(11) u dužini od 750 m. Od tačke 6(11) granična linija ide u pravcu jugoistoka do tačke 7(11) u dužini od 270 m, lomi se u pravcu jugozapada i do tačke 8(11) u dužini od 70 m ide tim pravcem, od ove tačke ide u pravcu juga do tačke 9(11) u dužini od 1060 m, nastavlja u pravcu juga do tačke 10(11) preko Miljevog dola krivudavo u dužini od 1520 m, lomi se u pravcu jugozapada u dužini od 260 m do tačke 11(11). U ovoj tački granična linija se lomi u pravcu jugoistoka i ide do tačke 12(11) u dužini od 200 m, nastavlja u pravcu juga do tačke 13(11) u dužini od 960 m, od tačke 13(11) granična linija ide u pravcu juga u dužini od 2680 m do tačke 14(11), naglo se lomi u pravcu zapada prateći granice vlasništva u dužini od 630 m do tačke 15(11). Granična linija se lomi blago u pravcu jugozapad, prelazi preko ttk 1106 (Meteriz) do tačke 16(11) u dužini od 2750 m, nastavlja pravcem zapada do tačke 17(11) u dužini od 220 m koja odgovara tački 1(12).

TK 12

Granična linija nastavlja na zapad do kote 1196 u dužini od 520 m, nastavlja u pravcu zapada, prolazeći 70 m južno od ttk 1162, blago se lomeći do ttk 1182 (Prešac) u dužini od 3150 m. Granična linija nastavlja u pravcu zapada do ttk 1427 blago se lomeći prema sjeveru do ttk 1376 (Razvršje) u dužini od 3270 m. Od ttk 1376 granična linija ide u pravcu jugozapada do tačke ttk 1213 (Obijest) u dužini od 2060 m. Dalje granična linija ide u pravcu juga prateći granicu vlasništva do tačke 2(12) u dužini od 2300 m i ide dalje do ttk 1204 (Ružarica) na TK 13.

TK 13

Od ttk 1204 granična linija ide u pravcu jugozapada do ttk 1167 (Pitoma grd) u dužini od 1000 m, lomi se u pravcu juga preko tačke 2(13) u dužini od 620 m koja odgovara tački 1(14).

TK 14

Od tačke 1(14) granična linija nastavlja istim pravcem do ttk 1170,4 (Zelenkova kita) u dužini od 200 m, lomi se u pravcu juga do tačke 2(14) u dužini od 980 m, blago se lomi u pravcu jugozapada do tačke 3(14) u dužini od 1720 m nastavlja krivudavo u pravcu juga prateći granice vlasništva do tačke 4(14) u dužini od 4700 m, lomi se blago u pravcu jugoistoka do tačke 5(14) u dužini od 2020 m koja odgovara tački 3(13).

TK 13

Od tačke 3(13) granična linija se proteže u pravcu jugoistoka preko ttk 1218 (Kovčeg) do tačke 4(13) u dužini od 2650 m, nastavlja u pravcu jugoistoka do tačke 5(13) u dužini od 780 m ostavljajući ttk 1187 u Crnoj Gori na oko 100 m udaljenosti. Granična linija se lomi u pravcu jugozapada i ide tim pravcem do tačke 6(13) u dužini od 1280 m koja odgovara tački 6(14).

TK 14

Od tačke 6(14) granična linija ide u pravcu jugozapada do tačke 7(14) u dužini od 540 m gdje se lomi u pravcu jugoistoka do tačke 8(14) u dužini od 600 m koja odgovara tački 1(15).

TK 15

Od tačke 1(15) granična linija ide u pravcu juga do tačke 2(15) u dužini od 600 m, blago se lomi u pravcu jugozapada do tačke 3(15) u dužini od 480 m, zatim se lomi u pravcu jugozapada do tačke 4(15) u dužini od 530 m, nastavlja u pravcu jugozapada do tačke 5(15) u dužini od 490 m, lomi se u pravcu sjeverozapada do tačke 6(15) u kojoj presijeca put Vilusi-Bileća u dužini od 530 m, granična linija dalje ide u pravcu juga Pilatovačkim potokom do tačke 7(15) u dužini od 2980 m zatim se lomi ka jugoistoku do tačke 8(15) u dužini od 1360 m, naglo se lomi u pravcu jugozapada do tačke 9(15) u dužini od 2720 m koja se nalazi u Bilećkom jezeru. Granična linija dalje prati tok potopljene rijeke Trebišnjice sve do kraja lista odnosno tačke 10(15) u dužini od 9200 m koja odgovara tački 1(16).

TK 16

Od tačke 1(16) granična linija dalje nastavlja krivudavo prateći tok potopljene rijeke Trebišnjice do tačke 2(16) koja se nalazi u Bilećkom jezeru 940 m istočno od kote 560 (Kita) u dužini od 620 m, granična linija dalje nastavlja krivudavo koritom potopljene rijeke Trebišnjice do tačke 3(16), koja se nalazi u Bilećkom jezeru u dužini od 500 m koja odgovara tački 1(17).

TK 17

Od tačke 1(17), granična linija dalje nastavlja krivudavo prateći tok potopljene rijeke Trebišnjice do tačke 2(17) u dužini od 980 m, oštro se lomi prema istoku napuštajući jezero, izlazi na ttk 592 (Crkvina) u dužini od 480 m. Dalje produžava u pravcu istoka preko predjela Pareški do ttk 832 (Pareški kuk) u dužini od 1000 m. Od ove tačke granična linija se lomi u pravcu jugoistoka prelazi preko kote 915, penje se do ttk 1077 (Ilino brdo) u dužini od 1780 m, blago se lomi u pravcu istoka, prolazi preko ttk 1090 (Kurjevska gradina), nastavlja u pravcu istoka preko predjela Brdo, presijeca put Trebinje-Nikšić do tačke 3(17) koja se nalazi 390 m jugoistočno od ttk 1029, u dužini od 3450 m. U tački 3(17) granična linija se oštro lomi u pravcu jugozapada, presijeca lokalni put za zaseok Kućišta, dalje produžava u istom smjeru preko predjela Vijenac, penje se na brdo Čelinka, tačka 4(17), u dužini od 1500 m, nastavlja dalje koritom neimenovanog potoka, prelazi preko kote 550 do izvora potoka Mirotišnica, produžava pored zaseoka Kunska, ostavljajući zaseok u Bosni i Hercegovini, u dužini od 2500 m, tačka 5(17), u tački 5(17) oštro se lomi u pravcu zapada, presijeca put Trebinje-Nudo do tačke 6(17) koja se nalazi na desnoj obali rijeke Sušice, 120 m jugozapadno od ttk 347 (crkva) u dužini od 600 m. Granična linija nastavlja dalje desnom obalom rijeke Sušice do ušća rijeke Zaslavnice u rijeku Sušicu tačka 7(17) u dužini od 1300 m. Granična linija nastavlja dalje pored zaseoka Vučija ostavljajući zaseok u Bosni i Hercegovini, penje se na ttk 441, u dužini od 600 m. Dalje se granična linija penje blagom kosom do tačke 8(17) koja se nalazi 250 m jugoistočno od kote 569 (Bagaš) u dužini od 1200 m, lomi se u pravcu jugoistoka prelazi preko kote 755 i kote 855, dalje produžava do vrha Veliki kum, tačka 9(17) u dužini od 1700 m. Granična linija se lomi prema jugu, prelazi preko vrha Mali kum i spušta se uvalom do tačke 10(17) koja se nalazi 340 m istočno od ttk 1183 u dužini od 600 m, lomi se u pravcu istoka preko zaravni do ttk 1236 (Češalj) u dužini od 400 m, lomi se prema jugu nastavljajući rubom padine, prolazi preko kote 1273 (Oštikovac), produžava do kote 1301 u dužini od 1600 m. Granična linija oštro se lomi u smjeru zapada preko predjela Gornja Glavišta i prolazi pored kote 1283 ostavljajući je u Bosni i Hercegovini, prolazi između potesa Popov do i Begova korita do ttk 1297 (Donji Ledenik) u dužini od 3200 m. Granična linija blago se lomi prema jugozapadu i penje se na kotu 1381 (Ivova glava), produžava dalje preko potesa Gornja ržišta tačka 11(17) u dužini od 1800 m koja odgovara tački 1(18).

TK 18

Od tačke 1(18) granična linija produžava u smjeru jugozapada do ttk 1688 (Gumbar) u dužini od 820 m, u ovoj tački granična linija se lomi u pravcu jugoistoka prelazi preko ttk 1660 (Mala Jastrelica) u dužini od 1300 m, nastavlja u dužini od 900 m do tačke 2(18), blago skreće u smjeru istoka, penje se strminom i nastavlja ostrim grebenom do ttk 1865 (Velika Jastrelica) u dužini od 1000 m, spušta se grebenom prelazeći preko kote 1762 i kote 1634 odakle se strmo penje na ttk 1802 (Vučiji zub), u dužini od 3350 m. Granična linija se oštro lomi u pravcu jugozapada, prolazi 130 m jugoistočno od kote 1707 (Prasa) do tačke 3(18) koja se nalazi 460 m sjeverno od ttk 1894 (Orjen), u dužini od 1200 m. Granična linija lomi se u pravcu sjeverozapada, nastavlja kosom, prelazi preko kote 1849 (Buganja greda) do ttk 1833 (Visoki brijeg) u dužini od 1800 m, blago se lomi u smjeru zapada, spušta se preko kote 1752, ispod Markovog kuka, preko kote 1690 (Bubanj grede) nakon čega se blago penje do tačke 4(18) koja se nalazi 40 m južno od ttk 1721 (Kalupna greda), u dužini od 2600 m. U toj tački granična linija se lomi u pravcu jugozapada, spušta se uvalom do tačke 5(18) u dužini od 560 m, koja odgovara tački 1(19).

TK 19

Od tačke 1(19) granična linija produžava istim pravcem do kote 1496 (Škrbina) nakon čega produžava grebenom do ttk 1464 (Siljevica) u dužini od 1220 m, strmo se spušta do tačke 2(19) koja se nalazi 70 m sjeverozapadno od kote 977 u dužini od 900 m, produžava sa sjeverne strane starog puta Trebinje-Herceg Novi, presijeca isti put i nastavlja preko zaravni u pravcu juga u dužini od 600 m nakon čega se penje do tačke 3(19), koja se nalazi 400 m sjeverozapadno od kote 1112 u dužini od 490 m, lomi se u pravcu zapada, nastavlja uvalom nakon čega se penje na bezimeni vrh, produžava u blagom luku do ttk 984 nakon čega nastavlja krivudavo do tačke 4(19) koja se nalazi 230 m jugoistočno od kote 918, na putu Trebinje-Herceg Novi u ukupnoj dužini od 2940 m. Ovdje se granična linija lomi u pravcu juga i penje krivudavo na ttk 967 (Borovik) u dužini od 600 m odakle se spušta i u blagom luku prolazi pored neimenovane vrtače do tromedne tačke Bosne i Hercegovine, Crne Gore i Republike Hrvatske 5(19).

Za Bosnu i Hercegovinu

Igor Crnadak

Za Crnu Goru

mr. Raško Konjević